

Službenik za zaštitu podataka

Zakonom o zaštiti ličnih podataka („Službeni glasnik BiH“ broj 12/25 od 28.02.2025.) propisana je obaveza imenovanja službenika za zaštitu podataka, njegovo radno mjesto i zadaci. Centralna izborna komisija Bosne i Hercegovine je imenovala službenika za zaštitu podataka u saglasnosti sa važećim zakonom, a što pridonosi i unaprjeđenju zaštite ličnih podataka.

Kontakt podaci službenika za zaštitu podataka u Centralnoj izbornoj komisiji BiH:

Tel: +387 33 251 300 lokal 372

E-mail: szlop@izbori.ba

NAPOMENA: Službenik za zaštitu podataka u Centralnoj izbornoj komisiji BiH ne daje pravne savjete drugim kontrolorima i obrađivačima. Njegova temeljna uloga je davanje savjeta i preporuka o obradi ličnih podataka rukovodstvu i zaposlenima u Centralnoj izbornoj komisiji BiH i Sekretarijatu Centralne izborne komisije BiH, koji rade na poslovima obrade ličnih podataka, te nosiocima ličnih podataka čiji se lični podaci obrađuju od strane Centralne izborne komisije BiH (zaposleni, podnosioci prigovora i sl.)

U skladu sa članom 41. i 90. Zakona, zavisno o kojim kontrolorima se radi, službenik za zaštitu ličnih podataka obavlja sljedeće zadatke:

- informisanje i savjetovanje kontrolora podataka ili obrađivača i zaposlenih koji obavljaju obradu podataka o njihovim obvezama iz ovog Zakona i drugih zakona kojima se propisuje zaštita ličnih podataka;
- praćenje poštivanja Zakona o zaštiti ličnih podataka i drugih zakona kojima se propisuje zaštita ličnih podataka, kao i politika kontrolora podataka ili obrađivača u vezi sa zaštitom ličnih podataka, uključujući i podjelu odgovornosti, podizanje svijesti i osposobljavanje zaposlenih koji sudjeluju u radnjama obrade, kao i s tim povezanim revizijama;
- pružanje savjeta, kada je to zatraženo, u pogledu procjene utjecaja na zaštitu ličnih podataka i praćenje njezinog izvršenja u skladu s članom 37. Zakona;
- saradnja s Agencijom za zaštitu ličnih podataka u Bosni i Hercegovini;
- djelovanje kao kontaktna tačka za Agenciju o pitanjima koja se tiču obrade, što uključuje i prethodno savjetovanje iz člana 38. Zakona, te savjetovanje, po potrebi, o svim drugim pitanjima.

Službenik za zaštitu ličnih podataka pri obavljanju svojih zadataka vodi računa o riziku povezanim s radnjom obrade i uzima u obzir prirodu, obim, kontekst i svrhe obrade.